

Tuhaqtidjutit Igluin Aulatjutitigun Akitutilaanginnut Katimajiinin

URRCkut pijaujut uuktuutunik hapkunanga Qulliq Alrujaqtuqtunik Ikumadjutiit (QEC) uvani Taaqhivaliavia 23, 2025 angiqtaujuqhaq nutaamik kivgaqtuutunik uvalu ilaujut akiit, iliurahugulu/piikhugulu akiligahat uvalu maliktakhait uvalu qanuginiit kivgaqtuutit (T&Cs). Uuktuutit hivumuuqtitaujut Ministamin munaqhihut hakuninga Qulliq Alrujaqtuqtunik Ikumadjutiit haffumuuna URRCkut ihivriurutainun pitqujauhimaunlu.

Uuktuutikhaq

Uuktuutimi Qulliq Alrujaqtuqtunik Ikumadjutit tukhiqtut angiqtaudjutikhamik, Ministamit Munariniqaqtuq, hapkuninga:

- Tamna atulirumajaujut utaqqijun akiligakhainik hanaqidjutikhangit
 - o Tatqiqhiun tamaat atuqtarnut akiliktakhanik \$48/kW atuqtait niruaqtauhimajut utaqqijut pauwatuutit akiliqtitaujuqhaq akiliqhipkaijukhanut iliuraqtaungitpat QEC-kut alrujaqtuutainut. Qakugu iliuraidjutikhanik alrujaqtuutikhanut, ihuaqtmumik aulajuq akiligakhat atuqtauniaqtut.
 - o Ihuaqtmumik aulajuq auladjutit akiliqtakhani aturutiqangniaqtun taimaatun akilqtuijuq atadjutiqaqhutik QEC-kut pauwaliqidjutainun.
- Utiqtifaaqninga akituninga ilaliutiniganik / ilaliutivalianiganik ikaarniit tamajaillu atuqtakhanik akiligakhamik (TMI) naunaituq akituniganik atuni utaqijunik alrujaqtuutunik kivgaqtuganik.
- ihuaqhaidjutit hapkununga QECkut Maliktakhangit Atuqtakhangillu Havangnirmi(T&Cs).
- akitutilaanga, atungnirit TMI akiliqtakhat uvalu ihuaqhaqtauhimajut T&Cs atulirvikhaa qakugu Ministat Maligakhait tunijaukpata pittinganikkut uuktuutinun.

QEC-kut tukhiqtut agirutikhamik utaqqilutik atuqtakhanik inmikkut-pivalliadjutikhanik akiliqtuijunut naahurilugit ihariagijamingnik QEC-kut alrujaqtuutainik pauwaliurutikhanik tunihingitkumik inmikkut pauwaliurutikhamingnik. QEC-kut tunihihimajut utaqqijut atuqtakhanik iliuraqtauniaqtut nanminiaqtunut akiliqtuijunut, piluqpaktut inmikkut pauwaliurutikhamingnik kihimi ikajuutikhainnik pauwaliurutikhamingnik naittumi. QEC-kut pauwaliqtuutikhat tuklianik atuqtakhanik inmikkut-aulavikhanik hailikpata hilarlungnirmitt, ihuaqhaqtaudjutanit imaaluuniit amigaqhuutaujunut ihuaqhaidjutait imaaluuniit aallanik qamingahimangittut pauwaiqhimanirmik.

QEC-kut tunihihimajut tapkuat pinahuaqtat utaqqijut atuqtakhanik tunihidjutikhanik naunaittumik kangiqhidjutikhanik uuktuqtaujumajunik akikhanik, atadjutikhanik/akilqhidjutikhanik akiliqtakhanik imaalu T&Ds, nuutiqtailitilugit akikhangit (i.e. akiliqtakhanut akittuqjuumikpata) aallanut akiliqtuijunut pidjutauniaqtun ataani-naamaliqtuq tamaat akikhaa kivgaqtuijaami utaqqijut akiliqtuijunut.

QEC-kut tunihimaagtun ihivriudjutikharnik naunaijagiikhimajuniklu utaqiuqtunik atuqtakhanik atuqtauvakhimajut allanin Kanaitian nunaitigut. QEC-kut tunihijullu naunaijautikhanik malrungnik pijakhanik ihumagijaujut uuktuutitnagu nutaamun atuqtakhanik.

Havauhiq

URRC-kut ihumagijaa Utiqtirutikkut havagutikkut uukturuti ilaqaqniaqtuq ilitturipkaidjutikhanik tukhirutimik/kiudjutikkut havagutinik QEC-kunni pipkainikkut URRC-kunni naku-utqijamik kangiqhijaami tukhiqtauhimajuq akitutilaamik, atadjutinikkut/ unguvaqtitaujut akiliqtakhanik unalu T&C-kut. URRC-kut tuhaajumajut ihumagijainik pauwatuqpaktunut ikajuqtaujut aallanillu ilaujunut uumunga Uuktuutikhamut, qujaginnaq. URRCkut ihumaginiaqtait titiraqhimajut tujuqtaujut mikhaagun GRA uuktuutait imaalu QECkut kiudjutait tahapkununga tujuqtaujunut.

Umikvikhaa titiraqhmajuni tujuutini una: 5 p.m. (EST) Apitilirvik 8, 2025.

URRCkut haniraaniittumik katimaviujuq tunivakhuni uqaudjutinik Nunavut Kavamatkunnun mighaagun akitutilaanginnik akiliqtaujuqhanik aulapkaidjutinin.